

# Bájkkeavijssa NuorttaSálto



## Arktalasj

# Dálvvegilpustallamijda Canadian



Arctic Winter Games (AWG)-nammadus Sáme valástallamlihtto le 23 tjuojgge válljim Arctic Winter Games'aj 2010, mij tjadáduvvá Grande Prairie, Albertan snjuktjamáno 6. biejves 13. bæjvváj boahhte jage. Danna gávnnap Divtasvuodnanæjtsov Naima Nergårdav.

AWG-nammadusán lij mañemus tjuojggamtjáhkaniibme Yllasin Suomen basádismáno mañegietjen ja dan mañjela válljijin juohkusav tjuojggijs gudi galggi Sámev ávdástit dán dálve arktalasj dálvvegilpustallamijn. Naima Nergård (14) Divtasvuonas le oasse dát juohkusis. Álles ásadusán oassálassti birrusij 2000 ulmutja arktalasj guovlos ja Nuortta rijkajs. Naima le ávddála Sámev ávdástam. Vuostasj bále lij jagen 2008, dalloj lij Yellowknifan.

### Tjuojggamav berustahttáj Svierigin

14-jagák Ájluovtan bajássjattaj, desik gudá jage dát rájes Norrbottenij Svierigij jáhttáj. Danna ielviij stuurra tjuojggambirrasav. Ájluovtan lij ienemusát bállotjektjam ja Naima ittij álgos vuojga tjuojggamav berusta gá Svierigij bádiij.

- Ittijiv vuojga tjuojggamav berusta, valla áhtte muv mañen giesij tjuojgatjit ja de oadtjov rádnáv gudi sidáj muv mañen tjuojggamav gæhttjalit. Mañenagi suohttasabbo sjattaj, sierraláhkáj gá máhtijma hárijidallat nubbe nuppe vuosstij ja sprintgilpustallamijn oassálasstet. Ájnas le ienep ulmutja oassálassti vaj birás sjaddá, javllá sán. Naima ittij njuolga válljiduvá nuoraj arktalasj dálvvegilpustallamijda, valla vierttij moadda gæhttjalimij tjadádit, duola dagu bievlattjáhkaniimen Álmájvákken Gájvuonan gálgádismánon ja tjuojggamtjáhkaniimen Yllasin

Suoman. Sán alvaduváj ja ávvusij gá oattjoj diedov sán lij dajs vuorbálettjajs gudi bessí Canadaj mannat guovte máno birán.

- Mán nav ávvusiv, gahppiv ja tjelluv gá diedov oadtjov, javllá Naima telefávna baktu Svierigis.

Suv stuurra ávddágávve le Svieriga tjuojgge Charlotte Kalla.

- Muv stuurra sávadus le sjaddat sæmmi tjeihppe gá sán. Miján le ham gájkan dat

stuurra sávadus stuurámus gilpustallamij t vuojtet, javllá sán.

Sán duodas tjuojggam le hálvva lássá valástallam gánná viertti muhttijn ietjas nággit. Iehtjádijda gudi bierrijin tjuojggagoahtet javllá:

- Le suohtas, ja ij máhte ganugit.

Uddni sán skávláv vádtsá Norrbottenin, valla ájadallá joarkket

tjuojggamgymnasan Jiellevären gá vuodoskávlájn gærggá. Duodden

julevsámegiellaj, vuona- ja svenskadárogiellaj láhká sán ienñilsgielav ja fránskagielav skávlán. Mañnemus gielav bæssá ávkástallat gá Canadaj manná.

- Gá Canadian lidjiv guokta jage dát rájes de lidjin muhtema gudi fránskagielav sáhkadin. Ásijt gal dádjadiv.

*Masi ienemusát ávvudalá, gilpustallamijda jali sosiálasj oassáj birra?*

- Ávvudaláv diedon gilpustallamijda, valla aj dajt nuppijt oassálasstij tjuovvot ja gæhttjat gáktu da nagádi.

Juogostjuojggijit tjuovvop ja oahppap sijájs. Moadda smidás tjuojgge arvusmahtti, javllá sán.

Duodden 23 sáme tjuojggijda galggá aj bállotjektjamjuogos aktse tjeiktij oassálasstet.

### 21. bále

Snjuktjamánon 2010, le 21. bále Arctic Winter Games (AWG) ásaduvvá. Yellowknifean jagen 2008 oassálasstin aktse guovlo daj rijkajgasskasasj gilpustallamijn. Sáme oassálasste oassálasstin tjuojggamin ja jagen 2008 aj bállotjektjamjuogos næjtsoj gudi sjaddin arktalasj vuojtte. Arctic Winter Games ásaduvvá nuorajda ja tjadáduvvá fáert nuppát jage. Snjuktjamánon boahhte jage tjáhkani vargga 2000 nuora guovlojs 55. gábddágrádas nuortas. Grand-Prairie le oarjemus stáda mij le dajt gilpustallamij t ásadam.

